

۱ تموز
۱۹۲۶

تورک تاریخ انجمنی

اون آلتنجی سنه
نومرو ۱۶ (۹۳)

مجموعی

مصر مسئله سنه دائر

مصر مسئله سی و قوالی محمد علی پاشا تک اطوار و حرکتی حقیقه دائر یازیلان غیر مطبوع تقریری ،
مصر مسئله سنه دائر مهم بروثیقه اولق حیثیتله ، بوجه آتی عیناً درج ایدیوروز :

مصر والیسی کیفیتدن دولایی انکلتزه ایلجیسی ایله واقع اولان مخابره محرمانه ده
ایلچی مرسوم محمد علی پاشا تک تدارکات روز افزون عسکریه و بحریه سی وبر والی
امانتکارک ذمتنه مرتب اولان شروط رسمیه تابعکنارینک اجراسنه و تأدیات نفودیّه
معهودیه تک وقت زمانیه اسیفاسنه امتناع و عدم موافقتی و طوراً و قالاً ولی نعمتی
اولان سلطنت سنیه پادشاهی به میدان او قویهرق خارجاً و داخللاً اخلال نفوذ عالیه
موجب اولق حرکات و فساداته تصدیسی و ممالک محروسه عثمانیه تک قنئی گوشه
و محلنده جزوی بر مایه فساد رونما اولور ایسه ارنبودلقده مسبوق اولدینی مثللو
فساد موهومک تقویت و توسیعنه تصنع و تقید دائمی بیانی وجود و استقرار دولت
علیه تاثیر ایتمکله بو حال و موقع تحمل و تجویز اونور مواقعدن دکلر بناء علیه
دولت علیه بو حریفک حصر و تحدیدینه تجلدانه صرف تدبیر بیورمغه عاجلاً و اجلاً
محتاج اوله جنی منظم اوله یور اشبو مخصوصه واقعه ده روسیه لونک مقتضای پوثیقه سی
قنئی مرکزده دوران ایله مک لازمکلیکی مسئله سنه دائر محرمانه بحث و حسب حال
اولسه شویله کورینورکه دولت علیه تک قوت عسکریه سی ناچار مصرک فساداتندن
تحفظی دائره سنه منحصر و دائر اولدجه و بوجهته ممالک محروسه تک اصلاح نظاماته
باقعه و قتیاب اوله مدجه و روسیه اتفاقنه سبب اولان محمد علینک اهاتی میدانده
طوردجه اتفاق معهود دخی مرعی و بالاستلزام روسیه تک نفوذ کلام و مداخله سی
مستمر اوله جنی روسیه لو کرکی کبی بیلدیکندن مصر والیسیله بوزوشلماق اوزره
اخطار و اصرار ایتمکدن خالی دکلر انکلتزه دولتک مقتضای مصلحتی و التزام ایلدیکی
اصول و مقاله سی اجزای متنوعه اسلامی برلشدیرمک و مرکز سلطنت اولان ذات
حضرت پادشاهی به ربط ایتدیرمک غرضندن عبارت اولدیفنه نظراً و چونکه ملت

اسلام آلتیوز سنہ دہبرو اسمنی کندویہ علم افتخار اتخاذا ایله دیکی آل عثمان خاندان عالیشانک صاحب زمان برکزیده سی اولان شوکتلو حضرت ملوکانه دن غیر ی بویله شخص نوظهوره اطاعت و تبعیت ایله الفت ایتمک شرعاً و عقلاً مستحیل الامکان اولدیغنه بناء یوما من الایام مصر و الیسی اوزرینه عسکر او قوعی لایدا اولان طرافه انفعال عالی بی منع ایله مک اولیوب بلکه تراجع و اجتماع اعضای فی مرکز هم قضیه مرغوبه سنک استحصالی امنیه سیله برشام اوزرینه هجمات دولتیله منتج خیر اوله حق صورتده و سفک دماء بشریه ایامی حصر و تقلیل اولنه حق وجهله انکلتزه دولتک موافقت و معاونت ایلمی پولتقاسنک و ایچ دکزده اولان نفوذینک ایجاباتندن در فی الواقع انکلتزه نک همیله محمد علی مصر حدودینه منحصر اولور ایسه اولا دولت علیه مفساد و شرور مستمره مصریه افکارندن طولانی عملیات مزاحمہ دن وارسته اولمق ثانیاً مصر و الیسی شام حوالیسنه منقسم و منتشر اولان قوه عسکریه سی مصره دیویشر مکه وقتاً بوقت دولت علیه نک روسیه اوزرینه سفری ایجاب ایدر ایسه سائر قوای ممالک محروسه ایله انکدخی بر طرفدن تسلیط اولنمی اهنون و زیاده قابل اولمق ثالثاً مصر و الیسی شام و حلب ایالتلرنده بولندجه زیاده توسیع دائره ملک و قوته حرص و طمعی متزاید اولمی وسیله سیله قالدیرلمق و كذلك محمد علی پاشایه بغداد و حوالیسنی و آناتولینک ایالات سائرہ سی دخی الحاق و استقلانی دولجه استحصال تشویقاتیله کندو دائره اتفاقه جلب و ادخاله دائر روسیه نک شیمدیکی مظنون اولان سررشته عملیات و فسادی مقطوع اولمق رابعاً ذات حضرت پادشاهی مصر و الیسنک بوغافه سی برطرف ایدیجک روسیه اتفاقک انحلال طبیعی سیله خارجه نسبتاً مستقل بر اصول پولتیقه نافع الزامه فاعل مختار اولمق خامساً مصرک کیفیت حاضرہ سی سیله محروسه ایچنده پیدا اولنان و خرابیتنه سبب اولمقده اولان تفرقه اسلامی انکلتزه نک میزان درایت و موافقتیله بروجه بالا برلشدیروب حکومت سلطنت سنیه هیئت سابقہ سنه ارجاع و ممالک محروسه نک امن و نظامی اعاده ولدی الحاجه دشمن مشترکک مدافعه سنه اقدار استحصال اولندقدہ دولت علیه دخی بویله بر خدمت جسمیه و مرغوبه مقابلہ سنده انکلتزه دولتک پولتیقای خیرخواهانہ سی محورنده سربستیت ایله دوران ایدہ بیلیمک لطیفاتی تولد ایدر و چونکه محمد علی پاشا عہدہ سنه توجیه بیورلیان اورفه

ضبط و تصرفدن کفید ایتیمور و فرانسه سفارتندن رسماً وانکلتره لوطرفدن معناً اداسی در عهده اولنش اولان تأدیات نفودی نك عدم استیفا سنده اظهار تمرد و تعند ایتکده در دولت علیه اورفیه وضعید حکومت ایچون سیواس والیسی رشید باشا حضر تلرینه امر و فرمان بیورلقله استحقاقی یوقیدر آنجق مصحوباً بالحق اولان ایشو مراد عالی یه اورفده کی مأموری بر مخالفت ایده جک اولور ایسه و مخالفت محتمله سی سبیله شام و حلب اهلینک استعداد لرینه نظراً مجرای حرب و خصومت حلب و شام طرف لرینه مد و توسعه ضروری منجر اوله جق اولور ایسه اولتقدیرده سفک دماء بشریه نك فقط ایالات بریه الشام استخلاصی مرکزنده حصر و انقطاعی و شام و حلبدن مصر والینک قطع علاقہ سی امنیه لرنده انکلتره دولتک استحصال موافقت مؤثره سی سزک همتکزه توقف ایدر دنیلدکده ایلچی مرسوم جوابنده لوندوره دن مؤخرأ توارد ایدن قوریرک تحریر اتنده در سعادتده مصر والیسی حقدده صبر و تأنی معامله سنه دائر مقام ریاسته تبلیغ ایلمش اولدیفم افادات و اخطارات و کلامن طرفندن تصویب قلمش ایدو کی مندرج اولدیغنه نظراً الحاله هذه طرف دولت علیه دن تعدی و محاربه بی التزاماً قونیه نظامی خود بخود اخلاص بیوره جق اولور ایسه انکلتره دولتی مضطرب و بیطرف اولق لازمکلور بنم و خصم روسیه لونک ممالک محروسه نك بر محله و یا خود قره دکز بوغازینه تجاوزی مشاهده و یا خود بر کونه سوء قصدی استحاس ایدر ایسه ام اق دکزده اولان دو نیمزنی جناق قله سندن خلیج قسطنطنیه یه ادخاله منحصر اولغین شام ایله حلبک مصر دن تفریقی مطالعه عمیقیه و دولتم طرفنه اخبار و استرخاصه محتاجدر و روسیه لویه دائر اولان اصولن قوه دن فعله کتورلدکدن سوکره مصر والیسی بالاخافه سن استقرار نظام و اسایش عامیه بر ایلیشک و مانع اولویورسون سنک مصر اقلیمی حدودنده انحصارک ممالک عثمانیه نك امن و سلامتیه موجب اوله جقدر یوللو حصر و تحدید ایتک اولوقت ممکن اولور بزم اصولنزه کوره باش مقصودمن و ذات مسئله نك اساسی اولان روسیه لودن صرف انظار ایتک و هر نوقت اولور ایسه حصر و اصلاحی سهل الحصول اولان مصر والیسیله اوغرا شفق و اولوجهله روسیه لویه خالی میدان بر اقق نه دولت علیه نك پولتیقای صحیحه سنه ونه ده انکلتره دولتک مصالح ملکیه سنه الویرر الحاله هذه روسیه لوقبائل چراکسه و سائر قوقاس

جبالندہ وحوالہسندہ طوائف اہالی ایلہ اوغراشوب کرکی کبی ربقہ اطاعتہ ادخالہ
ظفریاب اولور ایسہ یالکز اوحوالیدن یوزالی بیگ توانا ودلیز عسکر اخراج
وترتیبہ و آسیادہ کی ممالک عثمانیہ یہ تسلیطہ مقتدر اولہ جنی نچون مطالعہ اولنمیور
رقہ سنجاغنه کلنجه اشبوسنجاغ انکلترہ و فرانسه دولترینک انضمام رأی ومداخلہ سبلہ
وقوعبولان وبوجہتہ معناً تحت ضمانرندہ بولتان قونیہ نظامنہ صراحتہ داخل اولمدیغنه
وذات شوکتسمات حضرت پادشاہی اول سنجانغی برقاچ آیدنبروسیواس والیسی رشیدپاشا
حضرتلرینہ توجیہ وتودیع بیورمش ایدوکنہ وعلی الخصوص محمدعلی پاشامؤخرأ بوبابدہ
قیوکتخداسنہ اظہار مخالفت ایتیمہ جکئی افادہ ایتش ایدوکنہ مطالعہ بوبابدہ طلب واستحصال
حقوق حکمداریسنہ ارادہ علیہ سی متعلق بیوریلور ایسہ اعتقادہ کورہ دولت علیہ
متعدی نظریلہ باقیلہ میہ جنی مأمولدر وبودفعہ وکلای دولتمہ یازدیغ تقریرات وتحریراتدہ
محمدعلی پاشا شام اقلیمنہ یدواحد اصولنک اعمالی واغر تکلیفلر طرحی سبیلہ مقدا
بین الاسلام نائل اولمش اولدینی اعتباروقوت معنویہ سندن خیلی ضایع الیش اولدینی
اشعار ایلدم محمد علی پاشا برقاچ آی مقدم جزایر غربک کندویہ بعض شروط ایلہ
تسلیم اولنسنی فرانسر دولتمہ عرض ومراجعت الیش ایسہ ده فرانسر دولتی رضا
داده اولمدی فرانسه دولتمہ بوجزایرک ادارہ سی موجب مصارف وتکلف اولمقدہ
ایسہ ده فرانسه ملتی استیلا سبلہ فخریاب اولمقدہ اولدینندن فرانسه وکلاسی دولت
علیہ یہ ردینی هنوز تفوہ ایتکدن احتراز ایدولر وخدمت ریاستدن مؤخرأ ملاقاتمزہ
دوئمای ہایون آقدکزه چیقدینی حالہ انکلترہ دوئماسندن چند معلمان ومہرہ
قیودانان اعطای تکلیفی درمیان بیورمش و طرفزدن لازم الوجود اوفسٹاردن بشقہ
وفضلہ دوئمامزده ادملر اولمدینی افادہ اولنمش ایسہ ده بوبابدہ اظہار ترددمک حکمتی
شودرکہ دولت علیہ افرنج اوفسٹلرینی یالکز تعلیم ایچون قولنوب روسیہ لو ومحمد
علی پاشا مثللو کمی وعسکر قومانداسنہ اعتماد ایلدیکندن وبجراً مثلاً بر بریق ویابر
فوروت ویاخود بر فرقتین سفینہ سنک وبرأ ہیچ اولمز ایسہ بر طاہور عسکرینک
مستقلاً ومستولاً ادارہ سنی احالہ بیورمیوب حقارت نظریلہ معاملہ اولدینندن کرک
دوئمالرک وکرک عسکرینک ادارہ سندیہ حیثیلو آدملر بولنہ میوب اکثریار منتظم دشمن
قرشوسنہ کلرکلرندہ نیل ظفر مشکل اولدینی ولاکن ہر نوقت دولت

عليه اصحاب مهارت و حيثيت اولان اجانب او فستلر و قپودانلر حققرنده كافة شروط احتياطيه رعايه اعتماد عاليه ارزان بيورر ايسه خدمت عليه ده هر صنف اوفستل اعطاسنه انكلتره دولتي مستعد اولديغي و موخرأ پرنج مترنيق روسيه ايمپراطوري طرفدن مرخصأ انكلتره دولتيه بينلرني اصلاحه دائر انكلتره و كلاسنه بعض مقالات تشويقات و تبليغ و كآن روسيه ايمپراطورينك كندوسنه فوق الغايه اعتماد و اعتباري اولديغندن بو خصوص ايچون عقد اوله حق مكلمات بچده منعقد اولسنه اظهار رغبت ايش ايسه ده انكلتره دولتي بوندن بويه ممالك عثمانيه حقهده روسيه لونك عرض خلوصه و تأمينات لفظيه سنه قناعت ايده ميه جكي جوابيله طرفزدن مقابله اولنديغي افاداته ذيلأ لطف وقتوت حضرت شاهانه به نم بر مراجعت و نياز و وارد بك اوغلو نده انكلتره سراي محترق اولمشدر . طرابيه ده اليوم مهمان اولديغ يالي دخي بكا و فامليامه و توابعه بك ضعيقدر راحتسز اوله يورم هر قوناق و هريالي دخي بزه الوير ميور بناء عليه مقابله سنده انكلتره نك دستكاري و اعلاسي نوعندن مناسب اوله حق مقدار تفكك هديه ناميله كتور دوب اعطا ايله مك اوزره في الاصل صراف ياليسي اولوب صكره دن بعض مأواي هايون اولمش طرابيه سراي بلاملحقاته مقدم و فرانسه ايلچيسنه سراي اعطاسي مسبوق اولديغي مثللو انكلتره قرالي جنابلرينه اعتبارأ و تلطيفأ انكلتره ايلچيسنه احسانه مساعدده سنه حضرت ملوكانه بيدريغ و اوزان بيوريلور ايسه قرالم غايت ممنون اوله جقدر ديوا فاده ايدرك ختم كلام ايش اولديغي محاط علم عاليلري بيورلدقده اولبابده امر و فرمان حضرت من له الامر كدر .